

*Orde do 8 de marzo de 2005 pola que se aproban as bases reguladoras e se procede á convocatoria para o ano 2005 de axudas, en réxime de concorrencia competitiva, para a modernización de comercios situados en zonas rurais da Comunidade Autónoma de Galicia, en desenvolvemento do Plan de mellora da competitividade para o comercio galego.*

En España durante as últimas décadas producíronse importantes cambios na sociedade rural, caracterizados en moitos casos por unha redución paulatina da oferta comercial, así como a perda da competitividade que se vén dando no comercio retalista situado nas zonas rurais de Galicia. Esta redución da oferta comercial foi unida en ocasións á diminución da poboación en determinadas zonas e a un envellecemento progresivo desta. Esta circunstancia provoca que a rendibilidade económica de determinadas actividades comerciais en ocasións se vise limitada. De igual maneira, a redución da oferta comercial pode chegar a provocar dificultades de abastecemento da poboación residente. Estas circunstancias fan que o mantemento de niveis axeitados de actividade comercial nestes ambientes rurais se considere prioritario.

Por isto, o Plan de mellora da competitividade para o comercio galego: 2005-2008 recolle un programa específico, no que se definen como obxectivos básicos a integración das poboacións rurais, a facilitar que a poboación que reside nelas se beneficie do mantemento de niveis axeitados de actividade comercial no ámbito territorial facilitando que poida acceder ao máximo abano de servizos que poidan proverse localmente, así como contribuír á súa renovación e modernización co obxectivo de mellorar a calidade dos seus servizos e acadar o nivel de competitividade que exige o mercado actual.

En virtude do exposto, e no exercicio das atribucións que me foron conferidas,

#### DISPOÑO:

##### Artigo 1º.-Obxecto.

Esta orde ten por obxecto aprobar as bases reguladoras e proceder á convocatoria de axudas para o ano 2005, a fondo perdido e en réxime de concorrencia competitiva, destinadas a promocionar e incentivar a modernización e a implantación de comercios situados en zonas rurais de Galicia.

##### Artigo 2º.-Concepto de comercio rural.

Para os efectos desta orde considéranse comercios rurais os situados en:

a) Municipios con poboación inferior a 5.000 habitantes, de acordo co establecido no Real decreto 2348/2004, do 23 de decembro, polo que se declaran oficiais as cifras de poboación resultantes da revisión do Padrón municipal referidas ao 1 de xaneiro de 2004 (ver anexo IV).

b) Núcleos de poboación que non superen os 1.500 habitantes, situados en municipios de máis de 5.000 habitantes, con ou sen planeamento municipal vixente, sempre que o concello correspondente certifique o seu carácter de núcleo rural.

##### Artigo 3º.-Beneficiarios.

Poderán ser beneficiarios os comerciantes retalistas xa sexan persoas físicas ou xurídicas, sociedades civís e comunidades de bens, legalmente constituídas e que cumpran os seguintes requisitos:

a) Que desenvolvan ou inicien a súa actividade en establecementos comerciais situados en zonas rurais da Comunidade Autónoma de Galicia, de acordo co establecido no artigo 2º desta orde.

b) Que a súa actividade principal estea incluída nalguna das agrupacións ou epígrafes correspondentes á clasificación do imposto de actividades económicas relacionadas no anexo II desta orde. No caso de que o solicitante estea dado de alta en dous ou máis epígrafes do IAE, entenderase como actividade principal aquela que leve aparellada a maior facturación e se isto non é posible de determinar, atenderase á superficie de venda destinada a cada actividade.

c) Que non superen os dez traballadores.

d) Que os locais comerciais non superen os 300 m<sup>2</sup> de superficie comercial destinada á exposición e venda ao público. (Quedan excluídos para o cómputo desta superficie as oficinas, almacéns e salas de refrixeración, talleres e outros locais dedicados á elaboración ou manipulación de produtos, aulas, aseos, etc.).

e) Os solicitantes non poderán estar incurso en ningunha das circunstancias previstas no artigo 13 da Lei 38/2003, do 17 de novembro, xeral de subvencións.

##### Artigo 4º.-Actuacións subvencionables.

1. Terán a consideración de gastos subvencionables os seguintes:

a) Custos de reforma e adaptación do establecemento comercial, eliminación de barreiras arquitectónicas, así como as obras de ampliación do local comercial sempre que a superficie resultante non supere os 300 m<sup>2</sup>.

b) Custo de adquisición de moblaxe, elementos de decoración e calquera outro tipo de equipamento comercial.

2. Non serán subvencionables os seguintes gastos:

a) A adquisición de locais e, en xeral, de bens inmobles.

b) As obras realizadas en almacéns e trastendas que non se destinen a superficies de venda.

c) A maquinaria e equipos para a fabricación e elaboración de produtos de consumo final.

- d) Os fondos de comercio e dereitos de traspaso.
- e) Os bens usados.
- f) As compras de mercadorías obxecto de comercialización.
- g) As compras de material funxible e doutros elementos amortizables nun ano.
- h) Os portes e outros custos de transportes.
- i) As taxas por autorizacións administrativas, permisos e licenzas, tributos, o IVE soportado ou outras taxas recuperables polo beneficiario.
- j) Os gastos de funcionamento da actividade.
- k) Os gastos de reparación ou de mantemento.
- l) En xeral, todos aqueles gastos non relacionados directamente coas actividades e investimentos obxecto das axudas.

3. Non terán carácter subvencionable os investimentos realizados mediante contratos de arrendamento financeiro ou outras modalidades de financiamento, nin se computarán como investimento a compra de mercadorías obxecto de comercialización pola empresa beneficiaria.

4. O destino das axudas obxecto desta convocatoria serán os investimentos que se realicen a partir da data de publicación desta orde no DOG ata a data de remate da xustificación dos investimentos, de acordo co artigo 10º.4.

Artigo 5º.-Contía e ámbito.

1. As subvencións que se establezan para as actuacións obxecto desta orde, serán con cargo á aplicación orzamentaria 08.04.521V.770.3 «Mellora da competitividade do comercio rural», destinándose 750.000,00 euros para a o seu financiamento.

A contía establecida no punto anterior poderá ser incrementada en función das peticións presentadas e de acordo coas dispoñibilidades de crédito.

2. As axudas consistirán nunha subvención a fondo perdido de ata o 40% do investimento subvencionable aprobado pola Dirección Xeral de Comercio e Consumo.

3. Para poder optar á axuda, establécese unha contía mínima de investimento subvencionable de 1.500,00 euros, IVE excluído. O investimento máximo subvencionable será de 30.000,00 euros, IVE excluído.

4. O importe das axudas e subvencións reguladas nesta orde en ningún caso poderá ser de tal contía que, illada ou en concorrencia con outras axudas e subvencións das distintas administracións ou calquera dos seus entes públicos ou privados, nacionais ou internacionais, supere o 70% do investimento subvencionable.

Artigo 6º.-Presentación de solicitudes e documentación.

1. As solicitudes deberán dirixirse ao conselleiro de Innovación, Industria e Comercio e presentaranse

no rexistro xeral da Consellería de Innovación, Industria e Comercio ou a través de calquera das formas sinaladas no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común, entre as que se inclúen os rexistros dos concellos que subscribiron convenio de colaboración para a implantación dun sistema intercomunicado de rexistro coa Administración Autónoma de Galicia.

2. A solicitude de subvención, segundo modelo normalizado do anexo I, acompañarase da documentación que a continuación se relaciona por duplicado exemplar, en orixinal ou copia compulsada, de polo menos unha delas:

a) Documentos acreditativos da personalidade ou entidade solicitante (DNI e/ou CIF no caso de sociedades) e, se é o caso, acreditación da representación na que se actúa.

b) Copia da escritura de constitución e modificacións posteriores, no caso de ser unha sociedade.

c) Documentación acreditativa do número de traballadores da empresa (TC2) do mes anterior á presentación da solicitude, ou se é o caso, certificación da Seguridade Social da non existencia de traballadores e último recibo de cotización no réxime da Seguridade Social correspondente.

d) Certificación expedida pola Axencia Tributaria, concello ou cámara de comercio, que correspondan, na que se indiquen as epígrafes do Imposto de Actividades Económicas nos que figura dado de alta o solicitante.

e) Copia da declaración do imposto sobre a renda das persoas físicas ou do imposto de sociedades do último exercicio, neste último caso se o solicitante está dado de alta en dúas ou máis epígrafes do IAE deberá acreditar que a súa actividade principal é subvencionable segundo datos de facturación ou no seu defecto de superficie de venda.

f) Declaración expresa sobre a concesión ou solicitude de outras axudas ou subvencións para a mesma finalidade procedentes de calquera administración ou entes públicos ou privados, nacionais ou internacionais así como declaración expresa de non estar incurso en ningunha das circunstancias previstas no artigo 13 da Lei 38/2003, do 17 de novembro, xeral de subvencións, segundo anexo III da presente orde.

g) Memoria descritiva do investimento, con detalle do orzamento desagregado por partidas ou facturas proforma e do calendario de execución, acompañada polo proxecto técnico no caso de ser exixido polo concello. Non terán a consideración de orzamentos as estimacións de gastos efectuadas polo solicitante.

h) Certificados acreditativos de estar ao corrente nas obrigas tributarias e coa Seguridade Social e de non ter pendente de pagamento ningunha débeda

por ningún concepto coa Administración pública de Galicia.

i) Fotografías das partes específicas que se van reformar.

j) Documentos que acrediten que o solicitante é propietario do local comercial, ou, se é o caso, copia do contrato de aluguer, traspaso, cesión, etc., no que se indique expresamente a posibilidade de que se poidan realizar reformas no local, ou ben autorización expresa do propietario para realizar reformas no local.

k) Se é o caso, certificado municipal da situación do local segundo o disposto no artigo 2º desta orde.

l) Licenza municipal de apertura. No caso de inicio de actividade deberá presentar coa solicitude copia compulsada de alta no IAE e no momento de xustificación do investimento deberá presentar a licenza municipal de apertura.

3. O prazo de presentación de solicitudes rematará o 16 de maio de 2005.

Artigo 7º.-Criterios de selección de proxectos.

Os proxectos ou actuacións que se presenten deberán ser técnica, comercial e financeiramente viables e os criterios de avaliación que servirán de base para a determinación da preferencia na concesión e a contía das subvencións, relacionados por orde decrecente de importancia, serán os seguintes:

a) A situación do comercio retalista en concellos de menos habitantes.

b) A venda nos establecementos comerciais de produtos artesanais e orixinais das áreas rurais.

c) As vantaxes que repercuten nos consumidores da área concernida.

d) A incidencia do proxecto no incremento da competitividade, da eficiencia ou da atracción comercial do establecemento.

e) A creación de emprego que produce o investimento proxectado.

Artigo 8º.-Instrución e resolución.

1. A Dirección Xeral de Comercio e Consumo será o órgano competente para a instrución dos procedementos que se tramiten ao abeiro do disposto nesta orde.

2. Conforme o establecido no artigo 71 da Lei 30/1992, do 26 de novembro, de réxime xurídico das administracións públicas e do procedemento administrativo común, se a solicitude de subvención non reúne os requisitos exixidos nesta orde, o solicitante será requirido para que nun prazo de dez días, contados a partir do día seguinte á recepción do devandito requirimento, emende a falta ou achegue os documentos preceptivos, con indicación de que, se así non o fixera, terase por desistido da súa petición, trala resolución que deberá ser ditada nos termos do artigo 42 da citada lei.

3. Os órganos administrativos encargados do procedemento poderán reclamar dos solicitantes a documentación adicional que consideren oportuna.

4. Revisados os expedientes e completados, se é o caso, o órgano instrutor deberá emitir, como paso previo á valoración un informe relativo ao cumprimento dos requisitos que para os solicitantes se establecen no artigo 3º desta orde.

Unha vez informadas as solicitudes polo órgano instrutor, procederá a súa avaliación atendendo aos criterios de selección sinalados no artigo 7º desta orde, por unha comisión de valoración, constituída para o efecto, que estará integrada por un xefe de servizo, un xefe de Sección e un técnico da Dirección Xeral de Comercio e Consumo.

5. O conselleiro de Innovación, Industria e Comercio ditará a resolución de concesión ou denegación da axuda ou subvención que proceda.

6. As resolucións de concesión ou denegación das axudas ou subvencións serán motivadas, e expresarán, polo menos, o obxecto e o importe do proxecto subvencionado, a axuda ou subvención concedida e a contía desta e, se é o caso, o motivo da denegación.

O beneficiario da axuda deberá aceptala no prazo de quince días naturais contados a partir do seguinte ao da súa notificación, sen prexuízo dos recursos que procedan contra a resolución, e para os sos efectos da optimización dos créditos dispoñibles. No caso contrario entenderase que renuncia á axuda ou subvención concedida e procederase de conformidade co establecido no artigo 42.1º da Lei 30/1992, do 26 de novembro, de réxime xurídico das administracións públicas e do procedemento administrativo común.

A aceptación da axuda ou subvención formalízase mediante documento asinado polo beneficiario no que se compromete a cumprir todas as condicións establecidas nesta orde de convocatoria de axudas e, se é o caso, na resolución de concesión desta.

7. O prazo máximo para resolver e notificar a resolución do procedemento non poderá exceder de seis meses contados desde a publicación desta orde.

O vencemento do prazo máximo sen notificarse a resolución lexítima aos interesados para entender desestimada por silencio administrativo a solicitude de axuda ou subvención.

Artigo 9º.-Modificación da resolución de concesión.

1. Toda alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados nacionais ou internacionais, poderán dar lugar á modificación da resolución de concesión.

2. O órgano competente para a concesión da subvención poderá acordar a modificación da resolución por instancia do beneficiario, debendo cumprirse os seguintes requisitos:

a) Que a modificación do proxecto estea comprendida dentro da finalidade das normas ou bases reguladoras.

b) Que se acredite a inexistencia de prexuízos a terceiros.

c) Que os novos elementos e circunstancias que motiven a modificación, de ter concurrido na concesión inicial, non supoñan a denegación da axuda ou subvención.

3. O beneficiario deberá solicitar a modificación mediante instancia dirixida ao conselleiro de Innovación, Industria e Comercio acompañada da documentación acreditativa do cumprimento dos requisitos sinalados no punto anterior, cun límite de 20 días hábiles antes da data de finalización do prazo de xustificación do investimento.

4. O acto polo que se acorde a modificación da resolución ou, se é o caso, se denegue, será ditado polo órgano concedente despois da instrución do correspondente expediente, no que se dará audiencia aos interesados na forma prevista no artigo 9.4º do Decreto 287/2000, do 21 de novembro.

Artigo 10º.-Xustificación e prazo dos investimentos.

1. As subvencións concedidas faranse efectivas unha vez se presenten por duplicado exemplar, preferentemente en orixinal ou no seu defecto copia compulsada, dos documentos que a continuación se relacionan:

a) Facturas xustificativas de materialización do investimento, indicando nelas concepto, importe sen IVE e importe total, así como documentos xustificativos do pagamento dos investimentos realizados.

b) Fotografías das zonas reformadas que mostren as obras realizadas.

c) Certificados acreditativos de estar ao corrente nas súas obrigas tributarias e coa Seguridade Social e de non ter débedas por ningún concepto coa Xunta de Galicia.

d) Xustificante de axudas obtidas ou declaración das solicitadas ou que se prevé obter para o mesmo investimento en calquera outra administración, entes públicos ou privados, nacionais ou internacionais, indicando a súa contía.

e) Certificación expedida pola entidade bancaria de titularidade da conta bancaria onde debe realizarse o pagamento, na que conste código do banco, código da sucursal, dígito de control e código de conta corrente.

2. Os órganos competentes da Consellería de Innovación, Industria e Comercio poderán solicitar as aclaracións ou informes relativos á xustificación do investimento que consideren necesarios. No caso de

que non fosen remitidos polo beneficiario dentro do prazo que se sinala poderá entenderse que renuncia á axuda ou subvención concedida.

3. A falta de presentación da xustificación implicará a anulación da subvención concedida.

4. A documentación acreditativa do investimento obxecto de subvención, deberá ser presentada polo beneficiario con data límite o día 31 de outubro de 2005.

Artigo 11º.-Pagamento da axuda ou subvención.

1. O libramento da subvención farase nun único pagamento, unha vez xustificado o investimento, mediante transferencia bancaria.

2. As subvencións minoraranse proporcionalmente se o investimento xustificado é inferior ao orzamento que serviu de base para a resolución de concesión, sempre que estea garantido a consecución do obxecto e o investimento realizado non sexa inferior á contía mínima establecida no artigo 5º.3. No caso de concorrencia con outras subvencións ou axudas haberá que aterse ao establecido no artigo 5º.4.

Artigo 12.-Réxime de recursos.

As resolucións, expresas ou presuntas, dos expedientes tramitados ao abeiro do disposto nesta orde de convocatoria esgotarán a vía administrativa e contra elas poderase interpoñer:

a) Recurso potestativo de reposición perante o conselleiro de Innovación, Industria e Comercio no prazo dun mes contado a partir do día seguinte ao da súa notificación, ou de tres meses contados a partir do día seguinte a aquel no que se produza o acto presunto.

b) Ou ben directamente recurso contencioso-administrativo perante a Sala do Contencioso-Administrativo do Tribunal Superior de Xustiza de Galicia, no prazo de dous meses contados desde o día seguinte ao da súa notificación, se é expresa ou de seis meses contados a partir do día seguinte a aquel no que se produza o acto presunto.

E todo isto sen prexuízo de que os interesados poidan exercer, se é o caso, calquera outro que estimen procedente.

Artigo 13º.-Obrigas dos beneficiarios.

Son obrigas dos beneficiarios:

a) Realizar a actividade ou adoptar o comportamento que fundamenta a concesión da subvención.

b) Acreditar ante a entidade concedente a realización da actividade ou a adopción do comportamento, así como o cumprimento dos requisitos ou condicións que determinan a concesión ou disfrute da subvención.

c) Acreditar con anterioridade a ditarse a proposta de resolución de concesión que se atopa ao corrente das súas obrigas tributarias estatais e autonómicas e coa Seguridade Social, e que non ten pendente de pagamento ningunha outra débeda, por ningún

concepto coa Administración pública da Comunidade Autónoma galega.

d) Someterse ás actuacións de comprobación a efectuar polo órgano concedente, así como calquera outra comprobación e control que poidan realizar os órganos de control competentes, e achegar canta información lles sexa requirida no exercicio das actuacións anteriores.

e) Comunicar á entidade concedente a obtención de subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.

f) Conservar os documentos xustificativos da aplicación de fondos recibidos incluídos os documentos electrónicos en tanto poidan ser obxecto das actuacións de comprobación e control.

g) Todos os investimentos deberán permanecer a lo menos cinco anos desde a súa concesión no establecemento comercial declarado polo beneficiario na solicitude.

Artigo 14º.-Reintegro das axudas ou subvencións.

1. Non se poderá exixir o pagamento da axuda ou subvención concedida e procederá o reintegro total ou parcial da contía percibida xunto cos xuros de demora percibidos desde o seu pagamento nos casos seguintes:

a) Incumprimento da obriga de xustificación, ou xustificación insuficiente nos termos do artigo 30 da Lei 38/2003, do 17 de novembro, xeral de subvencións.

b) Obtención da subvención sen reunir os requisitos esixidos para a súa concesión, falseando as condicións requiridas para a súa concesión ou ocultando aquelas que o impiden.

c) Incumprimento da finalidade, actividade, proxecto ou a non adopción do comportamento para a que foi concedida a subvención.

d) Incumprimento das condicións impostas ao beneficiario co motivo da concesión da axuda ou subvención.

2. Así mesmo, procederá o reintegro do exceso percibido nos supostos nos que o importe da axuda ou subvención, illadamente ou en concorrencia con outras axudas ou subvencións doutras administracións públicas ou doutras entidades públicas ou privadas, nacionais ou internacionais, supere o custo da actividade que vaia desenvolver, se é o caso, a porcentaxe máxima de investimento subvencionable establecido no artigo 5º punto 4.

3. O procedemento de reintegro tramitarase de acordo co establecido no artigo 20 do Decreto 287/2000, do 21 de novembro.

4. As cantidades que os beneficiarios deban reintegrar terán a consideración de ingresos de dereito público e será de aplicación para o seu cobro o previsto nos artigos 19 ao 23 do texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro.

Artigo 15º.-Fiscalización e control.

1. A concesión das axudas e subvencións reguladas nesta orde estará sometida ao exercicio da función interventora e de control financeiro por parte da Intervención Xeral da Comunidade Autónoma nos termos que establece o capítulo V do Decreto 287/2000, do 21 de novembro, das actuacións de comprobación previstas na lexislación do Tribunal de Contas e do Consello de Contas.

2. A Consellería de Innovación, Industria e Comercio poderá inspeccionar en calquera momento os investimentos realizados.

Artigo 16º.-Réxime xurídico.

En todo o non previsto nesta orde haberá que a terse ao disposto na Lei 30/1992, do 26 de novembro, de réxime xurídico das administracións públicas e do procedemento administrativo común, modificada parcialmente pola Lei 4/1999, do 13 de xaneiro, no Decreto legislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, modificado parcialmente pola Lei 14/2004, do 29 de decembro e na Lei de orzamentos xerais da Comunidade Autónoma para cada exercicio, así como no Decreto 287/2000, do 21 de novembro, polo que se desenvolve o réxime de axudas e subvencións públicas da Comunidade Autónoma de Galicia.

Artigo 17º.-Réxime sancionador.

As infraccións administrativas cometidas en relación coas axudas e subvencións reguladas na presente orde sancionaranse de conformidade co disposto no artigo 79 do texto refundido da Lei de réxime financeiro e orzamentario de Galicia, modificado parcialmente pola Lei 14/2004, do 29 de decembro e no capítulo VII do Decreto 287/2000, do 21 de novembro.

Artigo 18º.-Publicidade.

Unha vez ultimada a concesión das axudas publicaranse no *Diario Oficial de Galicia* a relación das concedidas con indicación da entidade beneficiaria, contía e finalidade da subvención.

*Disposición derradeira*

Facúltase o director xeral de Comercio e Consumo para que dite as disposicións necesarias para a aplicación do disposto nesta orde.

Santiago de Compostela, 8 de marzo de 2005.

Juan Rodríguez Yuste  
Conselleiro de Innovación, Industria e Comercio

## ANEXO I



**XUNTA DE GALICIA**  
CONSELLERÍA DE INNOVACIÓN,  
INDUSTRIA E COMERCIO

PROCEDEMENTO <b>SUBVENCIÓN PARA A MODERNIZACIÓN DO COMERCIO RURAL</b>	CÓDIGO DO PROCEDEMENTO <b>IN218A</b>	DOCUMENTO <b>SOLICITUDE</b>
--	---	--------------------------------

## DATOS DO SOLICITANTE

NOME E APELIDOS / RAZÓN SOCIAL		DNI / CIF	EPIGRAFE IAE
ENDEREZO		LOCALIDADE	
PROVINCIA	CÓDIGO POSTAL	TELÉFONO	FAX

## DATOS BANCARIOS

CÓDIGO BANCO	CÓDIGO SUCURSAL	DC	Nº DE CONTA
--------------	-----------------	----	-------------

## DATOS DA SOLICITUDE DE SUBVENCIÓN

<b>ENDEREZO DO ESTABLECEMENTO COMERCIAL ONDE SE SITUÁN OS INVESTIMENTOS, LOCALIDADE E PROVINCIA (CAMPO OBRIGATORIO)</b>		
ENDEREZO		
LOCALIDADE	PROVINCIA	M <sup>2</sup> DE SUPERFICIE COMERCIAL
BREVE DESCRICIÓN DO INVESTIMENTO OU ACTIVIDADE QUE SE VAI REALIZAR E IMPORTE TOTAL DO PROXECTO		

## E, na súa representación legal:

APELIDOS	NOME	DNI
CARGO		

## DOCUMENTACIÓN QUE SE XUNTA (ORIXINAL OU FOTOCOPIA COMPULSADA)

<input type="checkbox"/> DOCUMENTOS ACREDITATIVOS DA PERSONALIDADE OU IDENTIDADE DO SOLICITANTE (DNI E/OU CIF) E, SE É O CASO, ACREDITACIÓN DA REPRESENTACIÓN NA QUE SE ACTÚA. <input type="checkbox"/> COPIA DA ESCRITURA DE CONSTITUCIÓN E MODIFICACIÓNS POSTERIORES EN CASO DE SER UNHA SOCIEDADE. <input type="checkbox"/> DOCUMENTACIÓN ACREDITATIVA DO NÚMERO DE TRABALLADORES DA EMPRESA. <input type="checkbox"/> CERTIFICACIÓN EXPEDIDA POLA AXENCIA TRIBUTARIA, CONCELLO OU CÁMARA DE COMERCIO, QUE CORRESPONDAN, NA QUE SE INDIQUEN AS EPIGRAFES DO IAE NOS QUE FIGURA DE ALTA O SOLICITANTE. <input type="checkbox"/> COPIA DA DECLARACIÓN DO IMPOSTO SOBRE A RENDA DAS PERSOAS FÍSICAS OU DO IMPOSTO DE SOCIEDADES DO ÚLTIMO EXERCICIO, NESTE ÚLTIMO CASO SE O SOLICITANTE ESTÁ DADO DE ALTA EN DÚAS OU MÁIS EPIGRAFES DO IAE DEBERÁ ACREDITAR QUE A SÚA ACTIVIDADE PRINCIPAL É SUBVENCIÓNABLE SEGUNDO OS DATOS DE FACTURACIÓN OU, NO SEU DEFECTO, DE SUPERFICIE DE VENDA. <input type="checkbox"/> DECLARACIÓN DE AXUDAS, SEGUNDO ANEXO III. <input type="checkbox"/> MEMORIA DESCRITIVA DO INVESTIMENTO, CON DETALLE DO ORZAMENTO DESAGREGADO POR PARTIDAS OU FACTURAS PROFORMA E DO CALENDARIO DE EXECUCIÓN, ACOMPAÑADA, SE É O CASO, POLO PROXECTO TÉCNICO. <input type="checkbox"/> CERTIFICADOS ACREDITATIVOS DE ESTAR AO CORRENTE NAS OBRIGAS TRIBUTARIAS E COA SEGURIDADE SOCIAL E DE NON TER PENDENTE DE PAGAMENTO NINGUNHA DÉBIDA POR NINGÚN CONCEPTO COA ADMINISTRACIÓN PÚBLICA DE GALICIA. <input type="checkbox"/> FOTOGRAFÍAS ACTUAIS DO LOCAL COMERCIAL INDICANDO ESPECIFICAMENTE AS PARTES QUE SE VAN REFORMAR. <input type="checkbox"/> DOCUMENTOS QUE ACREDITEN QUE O SOLICITANTE É PROPIETARIO DO LOCAL COMERCIAL, OU, SE É O CASO, COPIA DO CONTRATO DE ALUGUER, TRASPASO, CESIÓN, ETC. NO QUE SE INDIQUE EXPRESAMENTE A POSIBILIDADE DE QUE SE REALICEN REFORMAS NO LOCAL. <input type="checkbox"/> CERTIFICADO MUNICIPAL DA SITUACIÓN DO LOCAL SEGUNDO O DISPOSTO NO ARTIGO 2º DESTA ORDE. <input type="checkbox"/> LICENZA MUNICIPAL DE APERTURA.
--

LEXISLACIÓN APLICABLE <i>Orde do 8 de marzo de 2005, pola que se aproban as bases reguladoras e se procede á convocatoria para o ano 2005 de axudas, en réxime de concorrencia competitiva, para a modernización de comercios situados en zonas rurais da Comunidade Autónoma de Galicia, en desenvolvemento do Plan de mellora da competitividade para o comercio galego.</i>
SINATURA DO SOLICITANTE OU PERSOA QUE O REPRESENTA   de de 200

(Para cubrir pola Administración)		NÚMERO DE EXPEDIENTE
RECIBIDO		DATA DE ENTRADA
		/ /
REVISADO E CONFORME		DATA DE EFECTOS
		/ /
		DATA DE SAÍDA
		/ /

ANEXO II

Relación de epígrafes do IAE subvencionables

641.-Comercio polo miúdo de froitas, verduras, hortaliñas e tubérculos.

642.-Comercio polo miúdo de carnes e despoños; de produtos derivados cárnicos elaborados: de ovos, aves, coellos de granxa, caza; e de produtos derivados destes.

643.-Comercio polo miúdo de pescados e doutros produtos da pesca e da acuicultura e caracois.

644.-Comercio polo miúdo de pan, pastelería, confeitaría e similares, e de leite e produtos lácteos.

645.-Comercio polo miúdo de viños e bebidas de todas clases.

647.1.-Comercio polo miúdo de produtos alimenticios e de bebidas en establecementos con vendedor.

647.2.-Comercio polo miúdo de produtos alimenticios e de bebidas en réxime de autoservizo ou mixto en establecementos cuxa sala de vendas teña unha superficie inferior a 120 metros cadrados.

647.3.-Comercio polo miúdo de calquera clase de produtos alimenticios e de bebidas en réxime de auto-servizo ou mixto en supermercados, denominados así cando a superficie da súa sala de vendas atópense comprendidos entre 120 e 399 metros cadrados.

651.-Comercio polo miúdo de produtos téxtiles, confección, calzado, peles e artigos de coiro.

652.2.-Comercio polo miúdo de produtos de drogaría, perfumaría e cosmética, limpeza, pinturas, vernices, disolventes, papeis e outros produtos para a decoración e de produtos químicos.

652.3.-Comercio polo miúdo de produtos de perfumaría e cosmética, e de artigos para hixiene e aseo persoal.

652.4.-Comercio polo miúdo de plantas e herbas en herbolarios.

653.-Comercio polo miúdo de artigos para o equipamento do fogar e a construción.

654.5.-Comercio polo miúdo de toda clase de maquinaria.

657.-Comercio polo miúdo de instrumentos musicais en xeral, así como dos seus accesorios.

659.2.-Comercio polo miúdo de mobles de oficina e máquinas e equipos de oficina.

659.3.-Comercio polo miúdo de aparellos e instrumentos médicos, ortopédicos, ópticos e fotográficos.

659.4.-Comercio polo miúdo de libros, xornais, artigos de papelería e escritorio e artigos de debuxo e belas artes.

659.5.-Comercio polo miúdo de artigos de xoiaría, relojería, prataría e bixutería.

659.6.-Comercio polo miúdo de xoguetes, artigos de deporte, roupa deportiva, de vestido, calzado e lacado, armas, cartucheira e artigos de pirotecnia.

659.7.-Comercio polo miúdo de sementes, fertilizantes, flores e plantas e pequenos animais.

661.3.-Comercio polo miúdo en almacéns populares, entendendo por tales aqueles establecementos que ofrecen en seccións múltiples e venden en autoservizo ou en preselección un variado relativamente amplo e pouco profundo de bens de consumo, cunha gama de prezos baixa e un servizo reducido.

ANEXO III

DECLARACIÓN DE SUBVENCIÓNS OU OUTRAS AXUDAS PÚBLICAS SOLICITADAS/CONCEDIDAS PARA A ACTIVIDADE OBXECTO DE SOLICITUDE E DE NON ESTAR INCURSO NAS CIRCUNSTANCIAS DO ARTIGO 13 DA LEI 38/2003, DO 17 DE NOVEMBRO, XERAL DE SUBVENCIÓNS

D. \_\_\_\_\_ con DNI nº \_\_\_\_\_ en calidade de \_\_\_\_\_  
 comparece en representación de \_\_\_\_\_ con CIF \_\_\_\_\_

DECLARA (sinalar cun X o que proceda):

- Non ter solicitado outras axudas para o proxecto obxecto da solicitude.
- Ter solicitado axudas e subvencións dos organismos que se mencionan a continuación para o proxecto obxecto da solicitude:

CONVOCATORIA <sup>(1)</sup>	ORGANISMO	CÓDIGO EXPEDIENTE <sup>(2)</sup>	S/C/P <sup>(3)</sup>	DATA	IMPORTE

<sup>(1)</sup> Indicar a Orde de convocatoria da axuda ou subvención para a cal se solicitaron ou recibiron axudas doutros organismos.  
<sup>(2)</sup> De non coñecerse o código de expediente, reflectir o programa ou liña de axudas do Organismo.  
<sup>(3)</sup> Indicar a situación actual da axuda: S (solicitada), C (concedida), P (pagada).

Así mesmo, comprométo-me a comunicar á Dirección Xeral de Comercio e Consumo calquera nova solicitude, concesión ou pagamento que se produza con posterioridade a esta declaración, e en todo caso, antes do cobramento da/s axuda correspondente/s á presente solicitude.

Igualmente declara que o solicitante non está incurso en ningunha clase de inhabilitación para a obtención de axudas conforme o artigo 13 da Lei 38/2003, do 17 de novembro, xeral de subvencións.

E para que conste, para os efectos oportunos, asino esta declaración-compromiso.

\_\_\_\_\_, \_\_\_\_ de \_\_\_\_\_ de \_\_\_\_\_

Asdo.: \_\_\_\_\_

## ANEXO IV

## Relación de concellos con poboación inferior a 5.000 habitantes

## A Coruña

Concello	Poboación ao 1-1-2004
Aranga	2.274
Baña, A	4.888
Boimorto	2.486
Boqueixón	4.337
Cabanas	3.368
Capela, A	1.526
Cerdido	1.558
Cesuras	2.463
Coirós	1.650
Corcubión	1.964
Curtis	4.421
Dodro	3.162
Dumbria	4.166
Frades	2.920
Irixoa	1.619
Laxe	3.558
Lousame	3.912
Mañón	1.830
Mesía	3.216
Moeche	1.461
Monfero	2.490
Oza dos Ríos	3.154
Paderne	2.689
Pino, O	4.940
San Sadurniño	3.229
Santiso	2.212
Sobrado	2.360
Somozas, As	1.403
Toques	1.530
Tordoia	4.713
Touro	4.634
Trazo	3.652
Val do Dubra	4.642
Vilasantar	1.574
Vilarmador	1.362
Cariño	4.798

## Lugo

Concello	Poboación ao 1-1-2004
Abadín	3.256
Alfoz	2.312
Antas de Ulla	2.640
Baleira	1.778
Barreiros	3.278
Becerreá	3.424
Begonte	3.682
Bóveda	1.866
Carballedo	3.055
Castroverde	3.286
Cervantes	2.031
Cervo	4.978
Corgo, O	4.264
Folgoso do Courel	1.397
Friol	4.580
Xermade	2.464
Guntín	3.329
Incio, O	2.358
Xove	3.603
Láncara	3.136
Lourenzá	2.700
Meira	1.789
Mondoñedo	4.904
Monterroso	4.237
Muras	978

Concello	Poboación ao 1-1-2004
Navia de Suarna	1.732
Negueira de Muñiz	235
Nogais, As	1.501
Ouro	1.365
Outeiro de Rei	4.528
Palas de Rei	3.909
Pantón	3.209
Paradela	2.408
Páramo, O	1.887
Pastoriza, A	3.856
Pedrafita do Cebreiro	1.486
Pol	1.999
Pobra do Brollón, A	2.425
Pontenova, A	3.125
Portomarín	1.991
Quiroga	4.129
Ribas de Sil	1.335
Ribeira de Piquín	810
Riotorto	1.726
Samos	1.923
Rábade	1.630
Saviñao, O	4.915
Sober	2.988
Taboada	3.872
Trabada	1.552
Triacastela	839
Valadouro, O	2.305
Vicedo, O	2.181
Baralla	3.193

## Ourense

Concello	Poboación ao 1-1-2004
Amoeiro	2.322
Arnoia, A	1.247
Avión	2.804
Baltar	1.180
Bande	2.326
Baños de Molgas	2.038
Becede	578
Beariz	1.404
Blancos, Os	1.138
Boborás	3.214
Bola, A	1.549
Bolo, O	1.286
Calvos de Randín	1.212
Carballeda de Valdeorras	2.080
Carballeda de Avia	1.601
Cartelle	3.565
Castrelo do Val	1.239
Castrelo de Miño	2.044
Castro Caldelas	1.833
Cenlle	1.575
Coles	3.252
Cortegada	1.407
Cualedro	2.286
Chandrea de Queixa	830
Entrimo	1.370
Esgos	1.304
Gomesende	1.118
Gudiña, A	1.625
Irixo, O	2.033
Xunqueira de Ambía	1.934
Xunqueira de Espadañedo	1.033
Larouco	570
Laza	1.800
Leiro	1.940
Lobeira	1.188
Lobios	2.547
Maceda	3.262
Manzaneda	1.150
Maside	3.121



Concello	Poboación ao 1-1-2004
Melón	1.552
Merca, A	2.341
Mezquita, A	1.406
Montederramo	1.130
Monterrei	3.187
Muíños	1.985
Nogueira de Ramuín	2.561
Oímbra	1.984
Paderne de Allariz	1.630
Padrenda	2.479
Parada de Sil	788
Peroxa, A	2.502
Petín	1.095
Piñor	1.505
Porqueira	1.130
Pobra de Trives, A	2.721
Pontedeuva	647
Punxín	945
Quintela de Leirado	831
Rairiz de Veiga	1.788
Ramirás	2.046
San Xoán de Río	864
Riós	2.097
Rubiá	1.685
San Amaro	1.371
San Cibrao das Viñas	3.867
San Cristovo de Cea	2.994
Sandiás	1.585
Sarreaus	1.800
Taboadela	1.691
Teixeira, A	547
Toén	2.573
Trasmiras	1.786
Veiga, A	1.318
Verea	1.398
Viana do Bolo	3.663
Vilamarín	2.301
Vilamartín de Valdeorras	2.472
Vilar de Barrio	1.914
Vilar de Santos	1.004
Vilardevós	2.633
Vilariño de Conso	749

## Pontevedra

Concello	Poboación ao 1-1-2004
Arbo	4.018
Barro	3.380
Campo Lameiro	2.178
Catoira	3.510
Cerdedo	2.308
Cotobade	4.644
Covelo	3.730
Crecente	2.756
Dozón	2.030
Forcarei	4.616
Fornelos de Montes	2.092
Agolada	3.678
Lama, A	2.905
Mondariz-Balneario	704
Moraña	4.281
Neves, As	4.440
Oia	2.912
Pazos de Borbén	3.161
Portas	3.176
Ponteceures	3.028
Ribadumia	4.238
Rodeiro	3.553
Illa de Arousa, A	4.874

*Orde do 16 de marzo de 2005 pola que se aproban as bases que rexerán as convocatorias de axudas para a contratación de doutores en organismos públicos de investigación da Comunidade Autónoma de Galicia (programa Isidro Parga Pondal) e se procede á súa convocatoria.*

A Lei 12/1993, de fomento de investigación e desenvolvemento tecnolóxico de Galicia, no seu artigo 1º, establece como obxectivo xeral o fomento da investigación científica e a innovación tecnolóxica para promover o desenvolvemento económico, social e produtivo de Galicia. Como unha ferramenta encamiñada ao logro deste obxectivo, a citada lei, no seu capítulo II, crea o Plan Galego de Investigación e Desenvolvemento Tecnolóxico. O Consello da Xunta de Galicia, na súa reunión do 14 de marzo de 2002, aprobou o Plan Galego de Investigación, Desenvolvemento e Innovación Tecnolóxica (2002-2005).

O plan está integrado por programas xerais, sectoriais e horizontais. Dentro dos programas horizontais figura o programa de recursos humanos que ten, entre outros obxectivos, o de incrementar os recursos humanos dedicados a actividades de I+D+I tanto en número como en especialización nas áreas de maior interese, así como incrementar o número de doutores e tecnólogos incorporados ao sistema público de I+D.

O obxectivo do programa Isidro Parga Pondal é contribuir a superar o déficit de recursos humanos que ten o sistema de I+D en Galicia continuando a acción iniciada no ano 2003 de inserción nas universidades do sistema universitario de Galicia e en centros de investigación da comunidade autónoma de xoves doutores cunha formación investigadora acreditada en organismos científicos nacionais ou estranxeiros. Na súa virtude e consonte o previsto no convenio de colaboración suscrito pola Consellería de Innovación, Industria e Comercio coas universidades do sistema universitario de Galicia, esta consellería

## DISPÓN:

Artigo 1º.-Finalidade da convocatoria.

Esta convocatoria establece as bases que regulan en réxime de publicidade, obxectividade e concorrencia competitiva, a concesión de axudas para a realización de 45 contratos laborais de duración determinada e destinados á incorporación de investigadores, que teñan acadado o título de doutor, ás universidades do sistema universitario de Galicia.

Artigo 2º.-Requisitos dos candidatos.

Os candidatos á obtención dalgún dos contratos obxecto desta convocatoria deberán acreditar o cumprimento dos seguintes requisitos:

a) Posuír a nacionalidade española, ser nacional dun país membro da Unión Europea ou ser estranxeiro con permiso de residencia en España.

b) Estar en posesión do grao de doutor.

As titulacións obtidas no estranxeiro deberán estar homologadas polo Ministerio de Educación e Ciencia a excepción das obtidas en países membros da Unión Europea.